

江蘇府縣志輯

中國地方志集成

阜寧縣新志

東臺縣志

中國地方志集成

江蘇府縣志輯 (60)

民慶東臺縣新志

嘉慶東臺縣志

江蘇古籍出版社 ● 上海書店 ● 巴蜀書社

序

江文通云修史之難莫難乎志信夫修志難修現代之志尤難夫志亦史之一也自班固易八書爲十志後人襲之代有作者至有清設統一志館飭各省府州縣修志於是地方志書燦然大備與國史相爲表裏門類雖間有異同史裁則千里一轍數千年史家傳統之惟一義例墨守勿渝卽家選固而人荷莫矣此舊志之難修而易修也若夫近代之志則不然國以黨建政由民主封建習見既與黨綱不相容則史裁難定矣社會進化日隨時代爲推演則門類難賅矣新舊是非之見過渡絕續之交欲求酌古準今吻合無間自非通儒未易語此阜寧新志倡修於民六春間中因時局影響人事變遷停頓者再改組者三至民十八而志目始定依省志目錄酌爲增刪囊括舊志而歸納之前舉雖開迎刃而解歷四年而志成名曰新志別乎舊而言不強同也總纂龐君友蘭與任事諸君子具大手筆大識力成此鉅觀自足並傳不朽以戎馬餘生風塵下走得與斯舉及觀厥成幸免於劉知幾頭白可期汗青無日之歎諸君子之有造於鄉有造於余者如此余其何能已於言是爲序

阜寧縣新志序

民國二十一年十二月惠來吳寶瑜識

序

國有國志省有省志縣有縣志顧積縣而成省積省而成國是以國志必據省志省志必據縣志故縣志者其範圍雖較小其關係則最要者也而近世中國之縣志則又要於古昔縣志者也何則古昔縣志其中未經鼎革者無論矣卽經鼎革其所損益不過文章制度小過不及之間耳中國近三十年來科舉改爲學校滿清復入漢家君主俄而共和軍政條歸當治就中節目千端萬緒變遷更乃至更僕難數此而不有縣志將來省志國志何所據耶是故民國十七年冬江蘇省府遵國府命成省志目頒各屬縣飭修縣志我阜前焦縣長遵飭縣屬十三區各舉修志人員十八年冬志局成立開始徵訪着手編纂誠重之也余以愚陋濫竽纂修爰有老師宿儒函叩編法取則古昔何縣何志者余曰嗟乎今之世豈古之世哉當道諸偉人竭數十年心力血汗組織新政府擴充新建設翼成一新中國留一新國志此其苦心孤詣有目共觀矣觀省府飭縣修志首頒新省志目是明明欲整齊劃一俾縣遵省目各編新志以便彙齊斯易成新省志合組則能成新國志也於斯時也烏可孤行己

阜寧縣新志序

意猶自泥古而不含舊謀新說既已詢謀僉同乃共擬訂志目由縣呈省核准開編爰舉清光緒十一年以前阜舊志之所載暨光緒十一年以後徵訪之所得檔案之所稽分條畢貫歸納諸新擬志目中比及三年厥稿斯脫計成總目十九子目百十九體例則猶是圖表志傳事蹟則由清代而民國而黨治其間一切因革損益開闢均爲按時就事據實陳述初未有意求新自異率爾由舊庶幾近之聊資新省志之一助邇之略備新國志之一斑云爾中華民國二十一年十二月望日邑人龐友蘭謹識

阜寧縣新志目錄

卷首

凡例

圖考

大事記

卷一 天文志

星象 附北極出地度數

日出入表

日月食表

流隕

潮汐

卷二 地理志

經緯度

阜寧縣新志 目錄

氣候

地質

岡阜

水系

沿革

疆域 附插花

城垣

園囿

村莊

坊表

井塘

名蹟

祠墓

卷三 內政志一

土地

戶口

行政區域

職官

卷四 內政志二

警務

衛生

自治

選舉

議會

救卹

倉儲

阜寧縣新志 目錄

卷五 財政志

田賦 附雜租 柳園租 獨免

稅役

關權 附稅務分所

鹽法

錢幣

公債

歲計 附解支

卷六 司法志

司法機關

監獄

囚犯

卷七 教育志

孔子廟
書院 附註學 義學

考舍

教育行政

學校 附學齡兒童 改良私塾

畢業人員

社會教育

卷八 軍備志

兵制

駐防

要塞 附墩堡 木橋

兵事

卷九 水工志

阜寧縣新志 目錄

三

海堆 附避潮墩

淮水 附淤黃河 淤黃年表

諸水

隄堰

開壩 附蒲洲

溝洫

卷十 交通志

漕運

郵遞

電政

公路

航路

津梁

卷十一 物產志

植物

動物

礦物

卷十二 農業志

農場

農作

土壤

墾殖

昆蟲 附治蝗簡法

病害

蠶桑

園藝

阜寧縣新志 目錄

四

林業

畜牧

畋漁

卷十三 工業志

工廠

絲織

棉織

麻織

蒲織

蘆織

柳織

竹器

陶器

冶業

銅業

釀造

雜作

卷十四 商業志

市集

度量衡

卷十五 社會志

氏族 附宗祠

禮俗

方言

諺諺 附占候歌訣

公團

阜寧縣新志 目錄

會館

卷十六 宗教志

道教 附道觀

佛教 附佛寺

回教

耶教 附教堂

方外傳

卷十七 人物志

列傳一

列傳二

列傳三

列傳四

列女

五

寓賢

卷十八 藝文志

書目上

書目下

卷十九 金石志

石刻

雜識

卷二十 藝術志

書畫

音樂

醫術

技擊

雕刻

阜寧縣新志 目錄

地壤

弈棋

卷末

雜志

補遺

編纂始末

題名錄

六

阜寧縣新志卷首

凡例

一舊志成於清光緒十一年迄今四十八載國體既變人事尤繁新舊合編體例自別本志大綱根據省志欲爲舊志之類而門類參差實難磨合爰採舊志而歸納之故以新志標名期與舊志並行不悖

一本志訂二十卷分類十九分目一百十六附目二十三列表一百一十一以凡例圖考大事記爲卷首以雜志補遺編纂始末題名錄爲卷末統列目錄俾便檢查都十冊約四十五萬言除摘錄舊志十五萬言外旁採各書窮搜檔案益以訪聞爲之綜覈異同條分縷析概依事實不取浮夸

一本志各類之前概撰小引揭舉編纂主旨分目中有事端歧複者亦先申述意有未盡或於篇後更加按語若其文字較長則分段敷陳以清眉目

一縣境全圖由軍用圖縮製惟原本記載地名舛錯甚多爲之逐一釐正並下數幅卽以爲準各種表式或據檔案改編或爲著者獨創總期扼要格律不拘

阜寧縣新志

卷首

凡例

一本志敘立縣前事悉用鄉里之名如無名可紀必須確在境內方爲列入

一本志敘職官或機關雖間用簡名節省文字然悉依時制不以仿古爲工

一本志河流先述幹河源委依次分述南北兩岸支流由上而下各爲結束所有港汊卽以分疏支流之後水工志中之諸水交通志中之津梁亦皆按此程序於例雖創實便檢尋

一舊志人物除臧洪等數人刪去外餘悉仍之新增人物惟已旌孝友及貞節婦女合於年例者錄及生存其他則於蓋棺論定之中仍復嚴爲甄別

一本志土地戶口祇據現時案牘其統計是否精確別無佐證至本邑財政紛如亂絲加以檔案一損失於西捻再損失於聯軍無從詳考本志田賦歲計不免缺誤無可諱言

一本志自民國元年以後所記時日概用陽曆至潮汐與太陰爲直接關係立說自應變通

一隱惡揚善志例宜然惟作奸犯科之徒每予民衆以痛苦亦得據事直書以昭炯

戒

一本志於參考各書或直錄原文或截取片段各爲註明不敢掠美倘編纂時因參訪考查之結果發現錯誤亦爲校訂不敢苟同


一本志編纂時期凡三閱寒暑以同人學識有限謬亂畢漏自必甚多匡正之功希賴後之君子

阜寧縣新志


卷首

凡例

二



阜寧縣水系略圖



大事記

周龍章分纂

遠稽前古近及當代天時地理恆有變遷而人治之得失係焉茲記大事於

全書之首以時代爲次其事之已見他門者但舉其綱無類可歸者更張其

目撫斯篇也全書之大要可知矣

唐帝堯時禹導淮自桐柏東入於海

周敬王三十四年秋吳王夫差掘邗溝通江淮

唐代宗大歷中淮南黜陟使李承業捍海堰

傳宗廣明元年黃巢築城射河南岸

宗高宗建炎四年金人陷楚州

紹興六年兩淮宣撫使韓世忠築城屯兵

十一年宋金議和以淮水中流爲界

孝宗乾道元年淮北紅巾賊踰淮刦掠

五年海州賊時旺餘黨渡淮南掠

阜寧縣新志

卷首

大事記

光宗紹熙五年淮黃合流

理宗紹定二年李全令周安民遣浮梁於喻口

三年李全據楚州叛

四年官軍破李全餘黨於喻口馬邏港

元世祖至元十二年以馬邏軍寨爲山陽縣治

十三年博囉罕率所部兵還海沂淮攻淮安

始行海運

順帝至正十三年張士誠起事據淮南北

十六年判官董搏霄擊張士誠於廟灣北沙大敗之

二十六年朱元璋命徐達常遇春破張士誠部於馬邏港

明太祖洪武初設廟灣司巡檢

十八年設廟灣場置大使副使各一人

憲宗成化七年增設天賜場置大使副使各一人

武宗正德十二年河溢廟灣大水

世宗嘉靖元年倭寇廟灣

七月二十五日海潮溢死人無算

十三年大水

十八年閏七月海溢溺死萬餘人

三十六年副使于德昌敗倭寇於廟灣

三十八年巡撫李遂敗倭寇於廟灣

穆宗隆慶三年海溢河淮並漲廟灣水災

六年河溢人民逃散

神宗萬曆三年淮決高家堰清水潭廟灣大水

五年海漲壞范公堤死人無算

十年海嘯鹽丁多溺死

二十年設廟灣營置游擊一員

阜寧縣新志

卷首

大事記

二十一年設海防同知一員

二十三年築廟灣城

二十四年總河楊一魁導淮會黃陂爲永禍

熹宗天啓元年大水廟灣匯爲巨浸

思宗崇禎三年河決蘇家嘴

四年海潮迅發毀鹽場廬舍

十三年海防同知杜繩甲始課士子

十七年清兵南下劉澤清及巡撫田仰率屬避廟灣

清世祖順治四年明諸生鳳豫起義師克廟灣旋敗

六年大水

十八年嚴海禁 時明選臣常出沒海上詔嚴海禁以梅花椿釘塞雲梯關海口

聖祖康熙七年六月地震

十五年淮決清水潭

十七年旱災

十八年弛海禁 總河靳輔奏去年旱災廟灣雲臺山一帶係山東門戶裝載一

二百石小艇應准通行得旨報可於是海艘雲集百貨交通

十九年水蠲免錢糧十之三緩徵漕銀

二十四年大水禾苗盡沉

二十五年海防同知郎文煥設觀瀾書院

二十九年武庠生陳一彝纂廟灣鎮志

三十五年河決董家營 馬邏全鎮毀於水其時准又決清水潭廟灣居民棲范

公隄上如蟻集

冬總河董安國挑馬港引河並築攔黃壩南北交湏

三十八年黃淮交漲運壩決

總河于成龍奏設葦蕩營

三十九年拆攔黃壩

阜寧縣新志

卷首

大事記

三

六十年運壩決

世宗雍正二年七月十九日海口水激廟灣亭場人畜同漂沒

五年疏黃河口

八年運壩決

十年設阜寧縣

十年秋七月既望大風海潮溢淹沒無算

十三年六月大旱魚子化為鮪江督趙宏恩奏按當時所稱魚子疑即鮪之遺卵時

高宗乾隆元年大水

三年旱災 二月至六月不雨歲大饑

四年春旱

夏連雨海潮暴漲

秋大疫

六年大水

七年五月大雨傷麥

夏六月大雨淮決高加堰之古溝田禾盡沈

十年七月河決縣境陳家浦 決口以南廬舍盡沉知府衛哲治棹船數百隻救

萬餘人

十二年秋七月海潮溢 是月十四日至十六日大風拔木海潮溢沒人畜廬舍

十四年秋大雨湖海交漲田禾沒

十八年秋九月連雨湖河漲沒田廬

十九年大水

二十年大水

秋七月十四日大風海潮暴湧漂溺民畜

二十一年春饑

夏大疫

二十四年秋八月海潮大上

阜寧縣新志

卷首

大事記

四

二十六年秋運隄決口西水至

三十三年夏秋大旱

三十九年旱

八月河溢老壩口大水

四十年旱

四十三年潮災

四十六年夏六月大風海潮溢田廬沉沒

秋冬不雨

四十七年旱蝗歲大饑 自去年八月至是年十月不雨蝗飛蔽天

秋大雨米價漲

五十年大旱

五十一年春大饑人相食

夏大疫

秋湖水泛溢

五十二年歲有穫

五十八年夏大雨

秋海潮溢

五十九年大水

仁宗嘉慶四年秋七月初三四日海潮溢民溺

九年久雨

十年運壩決

十二年淮決荷花塘縣境決陳家浦馬家港大水

十三年淮決荷花塘縣境溢馬家港大水

十五年馬港口合龍河歸故道

十六年河溢倪家灘七巨港

十七年壩水成災

阜寧縣新志

卷首

大事記

五

道光元年夏大疫

二年放歸海各壩縣境大水

三年歲有秋

四年冬淮黃分流黃行淮故道

五年旱

六年夏秋大雨運壩決傷禾歲大饑

七年有秋

八年運壩決

十一年夏六月運隄決馬棚灣縣境平地水深六七尺

十二年春大饑米穀騰貴

運壩決大水多魚

十三年運壩決稼不登

十五年大旱蝗

浦水倒灌入馬家溝浦水之患自此始

十六年旱蝗

十九年秋七月運壩決

二十年運壩決

二十一年運壩決

二十三年東溝鎮火延燒數百家

二十四年秋後放車中新三壩水不爲災

二十五年冬祁寒 射河結冰不陷車者四十日

二十六年秋七月望大風拔木毀屋海潮湧覆舟無算

二十八年六月大雨運壩決水至歲大饑流民塞道

二十九年運壩決河堤決五套

渠匪梁長保率黨劫掠縣境騷然

文宗咸豐元年運壩決

阜寧縣新志

卷首

大事記

六

黃河決豐北廳蟠龍集淮潰涸

二年春洪楊軍陷揚州縣境戒嚴始籌團練

三月七日地震

五月十二日暴風拔木破屋飛舟如蓬

七月運壩決水至

大風毀屋

多地屢震

三年三月地震

秋運壩決

知縣龔舫獲匪魁梁長保斬以徇

海州匪數百人入縣境知縣龔舫率民團擊走之

五年六月河決閘儀銅瓦廂遂北徙淮亦不復故道

六年大旱 潮潮至歲大饑 是年二月不雨至八月蝗四起 潮潮入興化境禾苗

稿死人掘附落爲糧

七年春米斗錢二千道殍相望

四月麥有秋蝗不爲災

八年旱蝗

十年夏大風雨

秋七月運壩決

十一年六月西捻由海州南竄縣境戒嚴

穆宗同治元年正月西捻入境 是月十六日縣城陷先後踞二十餘日射河北

岸鄉鎮焚掠甚慘

夏旱潮潮倒灌

四年夏大雨傷稼

五年大水 是年夏霖雨月餘運隄決清水潭縣境平地水深丈餘

六年春旱潮潮倒灌

阜寧縣新志

卷首

大事記

七

夏大疫

十年四月隕霜殺草小麥枯

江督曾國藩挑雲梯關淮水故道

十一年海嘯

十二年五月二十二日潮潮倒灌浸民田

德宗光緒元年七月十八日大風拔木海嘯

二年春旱潮潮內灌入馬家蕩直至寶應逾年始退

三年旱蝗歲大饑

五月大風雨地震蝗抱草死

六月十六日隕霜

六年秋八月不雨歷冬而春

荒蕩營火旬餘始滅

七年六月海嘯 是月二十二日潮頭突高丈餘淹斃亭民五千餘名船戶三百

餘人

八月海嘯 初三日至初五日海潮洶湧災極重

八年海嘯毀民田

九年六月十九日海嘯浸田

夏霖雨

秋七月運壩決

十年江督左宗棠來勘淮水故道

十一年旱潦並災停徵民賦

二十三年霖雨運壩決水大至

二十四年知縣盧維維籌春振

二十六年旱蝗潮潮至

二十七年詔停武科

二十八年壩水至不爲災

阜寧縣新志

卷首

大事記

八

二十九年本城創設小學堂

三十年夏旱

秋大水

三十一年詔停文科

夏大水

三十二年華洋義振會辦春振

秋壩水至

冬華洋義振會辦春振

宣統元年秋七月運壩水決

二年春知縣李紹卿擾累商民全城罷市

除夕大雷雨以風海灘斃死無算

三年籌備自治

七月大風雨歷三晝夜

九月十三協兵變土匪蠢動 知縣方在鋪先後決匪十餘人廟灣營守備劉友昆緝私營管帶丁寶貴亦率兵游巡各鄉人心遂定

十月初一日縣境光復 軍政長徐寶山率兵入城勅反正於是城中豎五色旗以十一月一日爲中華民國元年一月一日

冬地震甚烈

民國元年裁河務官及廟灣營

冬東坎西街白晝大火延燒三百餘家

籌備自治

三年三月解散地方自治機關

九月瀾潮倒灌

四年五月十四日大雨電 北至沈王二灘南至葦蕩營東至七巨港西至宋家

尖縱橫數十里電深尺餘大者逾鷄卵

六年瀾潮倒灌逾年始退

阜寧縣新志

卷首

大略記

九

九年早瀾潮倒灌

十年運壩決 濠調裴角一帶成澤國江蘇義振會六省協振會華洋義振會先後派員來振

後派員來振

十一年秋運壩決

海嘯 壞新海堆民居多毀套子河南岸灘地之既壑者至是亦成斥鹵

九月二日颶風毀廬舍

十二年四月雨電 自東溝郭家溝東至鹽城境殺大損

省令恢復地方自治

十三年瀾潮倒灌至冬始退

十四年獄囚脫械遁者十三人

春旱

夏淫雨

十五年旱

十六年四月駐城聯軍北去

六月聯軍過境 先後計數十萬人水陸並進追黨軍追至其後隊多棄械易服

宵遁

秋有年

六月成立臨時縣黨部旋改爲特別委員會

八月聯軍自海州經縣境南下

九月黨軍克復江北由縣境北上

十七年四月溝墩大火延燒三百餘家

七月縣黨部組織黨務指導委員會 自特別委員會成立後以縣治日新境爲辦事處分組區黨部六區分部二十四並籌備農民協會及總工會是年二月

成立臨時執監委員會未幾恢復特別委員會六月奉令停止黨員活動至是

成立指導委員會登記合格黨員四百十三人分設區黨部五

本城第一區黨部東坎第二區黨部

第四區黨部東坎第五區黨部區分部二十一

阜寧縣新志

卷首

大略記

十

夏旱蝗瀾潮倒灌

縣長馮亦龍蒞職民政廳撤懲之

成立行政局

十八年縣黨部成立執監委員會

成立反日會檢查劣貨

夏旱瀾潮倒灌

跳蟬生 縣長焦忠祖分全縣爲八區各區派指導員一人防屬限期撲滅

改行政局爲區公所

海潮漲漫

十月溝墩鎮大火

會匪騷動警隊擊破之 時條黃一帶發生小刀會匪黨徒日衆警察大隊長熊

養和防隊痛剿斃其魁袁道士餘黨四散

成立射河建閘委員會

十九年五月縣黨部執監委員會改選

滿潮倒灌

七月馬玉仁攢招兵擾各鄉鎮

組織籌防會招待客車

十月省警隊擊馬玉仁破走之

二十年元旦裁撤關釐

三月風災 是月二十二日既夕颶風忽起毀民房露宿者千餘家斃百餘人

四月成立縣農會及教育會

縣黨部辦理國民會議代表選舉

七月縣黨部執監委員會改選

八月壩水至 月初次第釋放郵壩未幾水大至平地水深五尺傾民舍無算待

振者一萬三千餘戶 按是月八日有人在省倡議釋放昭關大礮廣省同鄉會

十五日省政府復電云昭關係下游利病實屬非輕 決無釋放之理仰即傳諭民衆勿聽謠言目滋驚擾

阜寧縣新志

卷首

大序記

十一

義振會設查放局

導淮委員會議決導淮由套子河入海

日本犯東三省沿海戒嚴駐軍籌防禦工事

二十一年二月日本犯淞滬失業工人千餘相繼歸

四月導淮委員會副委員長莊崧甫至七套行破土典禮

縣長洪福元以違法撤懲

七月大疫 先由東坎鎮發生烈性虎列拉日染百餘人死亡相繼未幾蔓延至

八灘吳小集本城溝墩碩集等處

縣長吳寶瑜分飭各區設防疫所

十月縣黨部執監委員會改選

秋蝗

阜寧縣新志卷一

天文志

周禮章分纂

推測天象於古有徵今尤遠密顧邑之究心此道者大都明共已然之迹而無新發明茲篇所輯聊見一斑推陳出新俟諸來哲志天文

星象 附北極出地度數

清咸豐二年彗星見

十一年八月朔日月合璧五星聯珠

宣統二年癸惑見

三年夏太白晝見

民國七年元旦太陽內見黑子

十年日輪見紅色

十一年夏癸惑逆行過南斗

北極出地度數

阜寧縣新志

卷一

天文志 星象 日出入表

日出入表

據邑人李杏春推算縣治北極出地度數為三十三度四十五分三十三度三十分

節氣	時		間		長夜	數
	上	下	午	日		
冬至	六時五十七分	四時五十九分	九時四十六分	十四時四十四分		
小寒	七時一分	五時九分	九時五十二分	十四時八分		
大寒	七時	五時二十二分	十時八分	十三時五十二分		
立春	六時五十二分	五時三十六分	十時三十分	十三時三十分		
雨水	六時三十九分	五時四十九分	十時五十八分	十三時二分		
驚蟄	六時二十二分	六時	十一時三十分	十二時三十分		
春分	六時三分	六時十一分	十二時	同建		
清明	五時四十三分	六時二十一分	十二時三十分	十一時三十分		
穀雨	五時二十五分	六時三十一分	十三時二分	十時五十八分		

立夏	五時十分	六時四十二分	十三時三十分	十時三十分
小滿	四時五十九分	六時五十三分	十三時五十二分	十時八分
芒種	四時五十三分	七時三分	十四時八分	九時五十二分
夏至	四時五十四分	七時八分	十四時十四分	九時四十六分
小暑	四時五十九分	七時九分	十四時八分	九時五十二分
大暑	五時九分	七時五十分	十三時五十二分	十時八分
立秋	五時十九分	六時五十一分	十三時三十分	十時三十分
處暑	五時三十分	六時三十四分	十三時二分	十時五十八分
白露	五時三十九分	六時四十五分	十二時三十分	十一時三十分
秋分	五時四十八分	五時五十六分	十二時	同晝
寒露	五時五十九分	五時三十五分	十一時三十分	十二時三十分
霜降	六時十分	五時十八分	十時五十八分	十三時二分
立冬	六時二十二分	五時四分	十時三十分	十三時三十分
小雪	六時三十五分	四時五十七分	十時八分	十三時五十二分
大雪	六時四十六分	四時五十五分	九時五十分	十四時八分

阜寧縣新志 卷一

天文志 日月食表

日月食表

民國紀年	日	食	時	間	月	食	時	間
九年					十月二十七日亥時			
十一年	九月二十一日午時				四月十二日寅時			
十二年					八月二十六日酉時			
十三年					二月二十日午時			
十四年					八月十五日寅時			
十五年	一月十四日未時				二月十五日寅時			
十六年	六月二十九日未時				八月十五日寅時			
十七年					二月十五日寅時			
十八年	五月九日未時				八月十五日寅時			
十九年	十月八日丑時				二月十五日寅時			
二十年	四月十八日辰時				八月十五日寅時			
二十一年					二月十五日寅時			

二十二年	二月十四日巳時	一月三十日寅時
二十三年	二月十四日巳時	七月二十六日戌時
二十四年	一月十九日午時	七月二十四日戌時
二十五年	六月十九日未時	七月四日午時

按邑中專研天文之學僅李杏春一人上列兩表即其原稿惟日月食仍以陰曆干支紀歲時省志局指為推算尚準方法太舊茲依陽曆逐一釐訂表式亦稍有變更至其既食之狀及分秒之數以原表未載遂付缺如

流隕

清光緒某年秋七月某日午後空中有聲如連珠槍發忽一星隕於淮北馬家莊其大如孟石質粗糙碎之中多黑斑
二十四年五月某日濱海之民於將夕時見白光一道自東徂西穿入雲表與雲行相錯作犬牙之狀越數分鐘始滅是夜又見白光從地而起升高數丈作一停候已飛去

阜寧縣新志 卷一

天文志 流隕

三

三十年春衛灘白晝隕石粒如雨
三十一年秋雨石色黝黑沈家灘人多見之
民國元年七月九日下午四時日黯無光忽聞巨聲自西北來歷二三分鐘之久淮

北之民爭相駭怪乃竟夕寂然次日晨雨石有落於地面者有入土七八寸者其色褐嗅之有硫磺氣今九奎某姓家尚存其一云 按舊志載衛灘古名星溝即以前心疾今某姓家尚存 少許惟隕時不詳 星得名居民云明末少許服之可愈

潮汐

潮水之漲退依月球之迴轉大率每十二小時漲退一次每次遞遲二十六分然各地水陸分佈既殊海底深淺又異氣壓高低風向順逆亦隨在不同潮水因之不能一致阜寧潮信以射河為標準每遇朔望之日河口上午五時漲潮十一時退潮下午六時復漲十二時復退縣治一帶晝夜均在十二時所謂初一月半子午漲也每潮晏時二十六分 按舊志云每晏一潮又十 每半月計漲潮二十九次朔望之日起大信初三日十八日二十日潮最大 按舊志云初三潮十八水 二十二日二十三為小

潮三潮云二十一二亦稱滴水潮其升降之差大潮時在五尺內外小潮不過二三尺而已如潮甫退忽漲舟人謂之邪潮數日內必有暴風航海者有戒心焉

阜寧縣新志 卷一

天文志 潮汐

四

阜寧縣新志卷二

地理志

周龍章分纂

舊志關於地事範圍或各自爲類或附見他門本篇詳爲釐正並增入經緯度氣候地質諸篇他日科學精進其亦可以利用而改造者與志地理

經緯度

縣境經度以英京格林威治天文臺爲起算點極東射河口外加領海在東經一百二十度三十七分十秒按領海以四十一度極西蘇家嘴在東經一百一十九度二十五分十秒緯度極南青溝鎮在赤道北三十三度二十七分四十秒極北套子口在赤道北三十四度二十一分二十秒縣治在東經一百一十九度四十六分二十五秒北緯三十三度四十六分四十秒

氣候

縣境氣候爲大陸性以東瀕海洋故略帶海洋性茲分述溫度風向雨量三要素如左

阜寧縣新志 卷二

社會志 經緯度 氣候 雨量

一

溫度 冬季最低在華氏表二十度夏季最高在華氏表九十五度民國十九年七月及奇熱道中華氏表升至九十九度實爲罕見

風向 春季多西南風夏季多東南風仲秋以後至初春多西北風西北風初至時天氣漸涼居民謂之展信又以蘆方着花謂之蘆花信云

雨量 每歲盛夏海水被日光蒸發濕度極大東南風起雷雨立至距射河沿岸稍遠之高田因恃以灌溉關係農業至鉅或恆風忽易方向亦常降雨雨時風如轉向不久即晴至雨量之統計邑人素無記載據民國十年江蘇運河工程局編製淮河流域雨量表阜寧全年總量爲九百九十公釐有奇然其年淮河流域雨澤特多不足以爲標準姑錄之以備參考

雨量表 以公釐爲單位

月份	號	量	月份	號	量
一	二、三、四	七	七	三、八、七、六	
二	一、二	八	二、五、七、五		

三	五、四	九	四七、七
四	七二、六	一〇	一六、〇
五	四八、四	一一	七、七
六	一〇五、八	一二	七、五

地質

縣境當古揚州之北邊考其地質即禹貢所謂厥土惟塗泥者是今據地質學家言則爲新生代所生成西北一帶爲淮黃二水之沖積所東方濱海之處出理於唐宋以後層土尤新至其中所含氣固液三成分如何尙無分析之者

岡阜

吾邑土地平衍故無山舊志以開山爲海安阜三州縣界嶽嘉慶海州志言之較詳而不及阜寧蓋孤懸灌河口外向不爲人所注意也廟灣鎮志謂縣境岡脈起山陽鉢池山因以鉢池山冠諸篇首舊志謂縣境岡脈起海州馬陵山均爲堪輿家言不可信今考境內岡脈起北沙鎮分南北兩支至潘家岡復合爲一起伏綿互至綠楊

阜寧縣新志

卷二

地理志 地質 岡阜

二

岡以南始隱若平地東至豐陽墩則又砂磧隆起蜿蜒至縣城上渡口地勢較高爲其過峽處渡射河而南復分東西中三支沿串場河南岸南入鹽城境其他土阜大率人力所經營也

東沙岡 在北羊寨

北沙岡 在北羊寨

西小岡 在馬起營志舊

東小岡 在西小岡東志舊

于家岡 在東小岡北過穿裴河與吉家岡接志舊

吉家岡 在北沙鎮東志舊

潘家岡 在吉家岡東南志舊

綠楊岡 在小劉莊南迤邐至縣城志及廟灣鎮志

關沙岡 亦稱西岡或曰南岡或曰大沙岡亦有簡稱沙岡者自喻口鎮起至第七區沙岡鄉關三四里不等今已闢爲沙田迤邐至張家莊以南則伏若平地關不及

丈經沙缺口鳳皇河新民大同大塘等鄉渡草堰河入鹽城境是爲西一支志及廟灣鎮志

小岡 亦稱中岡在關沙岡東自第一區入第七區葉王安唐沙截中岡圩河諸鄉至溝墩鎮西漁深河北與范公陸合是爲中一支志及廟灣鎮志

東岡 在串場河東岸自第七區河南下馬頭經南顧孫郭合與戴溝中陳坎匣諸鄉與范公陸合是爲東一支

蘆浦岡 蘆浦壽安寺附近有十餘相爲環抱近已塌卸與黃河陸平志舊

白土岡 在韓家莊志舊

孤兒山 在顏家莊相傳古有孀婦爲兒祈壽建廟阜上因名志及廟灣鎮志又其處原有

阜二今亦稱爲古二山

黃華嶺 在裴橋鎮深溝溝北其地高而荒落昔曾遍生野草秋着黃華因名建陽

幫船多泊於此志及廟灣鎮志

海驢頭 由喻口鎮東經清流溝東北抵范公陸下長十餘里高七尺爲民窰分界

阜寧縣新志

卷二

地理志 岡阜

三

處志及廟灣鎮志

文峯 在縣治射河南岸舊有基址突起海防同知劉復初增爲塔壇志舊

霸浪墩 在韓堰霸浪溝以此得名今爲曹姓住宅墩久拆卸志及廟灣鎮志

牧牛墩 在安基里志舊上有民居

營墩 在喻口鎮志舊高約二丈上植樹木

美目墩 在喻口鎮志舊

鳳皇墩 在南營子港志舊

沙灣墩 在射河北岸北沙灣墩大可八畝高二丈許東南百步有圓石柱一又石

案一方爲王氏祖墓祭物

鐵炭墩 在管計溝路旁昔爲冶工棄置鐵炭碎屑之所日久與土化合成爲巨塊

大墩 在邱家橋面積十餘畝高五丈餘

韓墩 在城自頭與韓王城相近面積四畝餘志及廟灣鎮志

大青墩 在瓦欄河西玉白河南岸志及廟灣鎮志